

ОҚУШЫЛАРДЫҢ ҒЫЛЫМИ ҚОҒАМЫНЫҢ ЕРЕЖЕСІ

1. Жалпы ереже

- 1.1 Оқушылардың ғылыми-қоғамы-бұл ғылыми зерттеушілік жұмыс дағдыларын қалыптастыруға және белгілі бір ғылым саласында өз білімін жетілдіруге арналған өз интеллектісін дамытуға таланттанған оқушы жастардың ерікті шығармашылық бірлестігі.
- 1.2 Оқушылардың ғылыми-қоғамы білім беру мекемелерінде құрылады, өзінің атауы, эмблемасы, девизи, дәстүрі болады,
- 1.3 Оқушылардың ғылыми-қоғамы өз құрамына жеке секциялар, ғылыми үйірмелер, клубтар және ғылымның әртүрлі бағытындағы қоғамдарды енгізе алады.
- 1.4 Оқушылардың ғылыми-қоғамының қызметі Қазақстан Республикасының Заңдарына, «Білім беру жөніндегі» Қазақстан Республикасының білім және ғылым Министірлігінің нормативтік құқықтық актілеріне, Республикалық ғылыми-практикалық «Дарын» орталығына және осы Ережеге сәйкес жүзеге асырылады.
- 1.5 Оқушылардың ғылыми қоғамы қызметін ұйымдастыруды қоғам құрылып отырған мекеме жетекшісі іске асырады.

2. Оқушылардың ғылыми қоғамының мақсаты мен міндеттері.

Оқушылардың ғылыми қоғамының мақсаты мен міндеттері болып:

- 2.1 Оқушылардың ғылыми зерттеуге қызығушылығын қалыптастыру, шығармашылық қабілеттерін таныту және дамыту, ғылыми ізденудің әдістерін оқыту, шығармашылық сыйпаттағы жеке тұлғалары тәрбиелеу жұмыстарын жүргізу;
- 2.2 Оқу мекемелеріне оқушыларды тәрбиелеуде, олардың жан-жақты дамуына, еңбекке шығармашылық тұрғыдан қарағанда өмірлік және азаматтық көзқарастарын қалыптастыруға, жоғары адамгершілік қасиеттер мен рухани мәдениетін дамытуға белсенді түрде көмектесу;
- 2.3 Мектеп бітірушілердің нәтижелі түрде мамандық тандауына және мамандық бағытына көмектесу болып табылады.

3. Оқушылардың ғылыми қоғамының жұмысын ұйымдастыру.

- 3.1 Оқушылардың ғылыми қоғамына осы қоғамда жұмыс істеуге тілек білдіргендер және мұғалімдер, әр бағыттағы пән бірлестіктерінің жетекшілері ұсынып оқушылар мүше бола алады.
- 3.2 Оқушылардың ғылыми қоғамының жоғары ұйымы тәртіп бойынша жылына бір рет шақырылатын қоғам мүшелерінің сессиясы болып табылады.
- 3.3 Сессияда оқу жылының міндеттері айқындалып, нәтижелері шығарылады, жеке секциялар жұмысы және қоғам мүшелерінің есебі тыңдалады, жұмыс жоспары бекітіледі және басқа да шешімдер мен құжаттар қабылданады.
- 3.4 Оқушылардың ғылыми қоғамының жұмысына сессия аралығында құрамында оқушылар, педагогикалық ғылыми орталықтардың және оқушылардың ғылыми қоғамының қызметіне қатысатын түрлі ұйымдардан өкілдері бар сессияда сайланған үйлестіру кеңесі жетекшілік жасайды.
- 3.5 Оқушылардың ғылыми қоғамында басшылық және сабақтарды кеңесшілер мен ғылым жетекшілермен қамтамасыз өтуді қоғам құрылған оқу орны атқарады.
- 3.6 Оқушылардың ғылыми қоғамында мамандар, ғалымдар және мұғалімдер келісім-шарт немесе қосымша қызмет атқаруы бойынша Қазақстан Республикасының заң актілеріне сәйкес жұмыс істейді. Олар секцияларға, оқушылардың ғылыми бірлестігіне сол сияқты оқушылар тандап алған тақырыптағы жеке жұмыстарына иеліктің өзіне

3.7 Оқушылардың ғылыми қоғамы бөлімшелерінің жетекшілері үйлестіру кеңесімен келісілген арнайы бағдарламалар жасай алады, ол қоғам жұмыс істейтін мекеме жетекшісімен бекітіледі.

3.8 Ғылыми жетекшінің, кеңесшінің басшылығымен бекітілген бағдарлама бойынша және оқушылардың тақырыптық шығармашылық жұмыс бойынша ғылыми қоғамы мүшелерінің сабақтары аптасында кемінде бір рет
Ұжымды түрде немесе жекелей өткізіледі.

3.9 Қорытынды сабақ көптеген оқушылар мен қазылар алқасында шақырылған ғылыми зерттеу институттары мен жоғары оқу орындарынан келген ғалымдарды қатыстыра отырып конференция түрінде өткізіледі.

3.10 Қазылар алқасы үздік жұмыстарды таңдап, оларды мектептерде өткізілетін ғылыми жоба жарыстарын аұсынады. Конференция жеңімпаздарына дипломдар, ескерткіш награда, демеушілердің сыйлықтарын тапсырды.

4. Оқушылардың ғылыми қоғамы мүшелерінің құқықтары мен міндеттері.

Оқушылардың ғылыми қоғамының әрбір мүшесі:

4.1 Секция жұмысына, барлық іс-шараларға қатысуға

4.2 Әртүрлі секция, бөлім жұмыстарымен танысуға және бір секциядан екінші секцияға өтуге;

4.3 Қоғамның және оның бөлімшелерінің жұмысын жақсарту мақсатында өз ұсыныстарын енгізуге;

4.4 Өз жұмысын ғылыми жоба жарыстарына, ғылыми конференцияға қатысу үшін жариялауға;

4.5 Оқушылардың ғылыми қоғамы немесе оның секциясы филиалы жұмыс істейтін лаборатория мен кафедралардың құрал – жабдықтарын пайдалануға;

4.6 Ғылыми мектеп, оқу-әдістемелік жиын, шығармашылық экспедиция, ғылыми-практикалық конференциялар, ғылыми жоба жарыстарына қатысуға;

4.7 Оқушылардың ғылыми қоғамындағы белсенді жұмысы және шығармашылық табыстары үшін мақтау қағазы, құрмет белгісімен, диплом марапатталу үшін ұсынылуға құқылы.

4.8 Оқушылардың ғылыми қоғамының әрбір мүшесі:

- ғылыми жетекші басшылығымен таңдап алған тақырып бойынша ғылыми-іздену жұмыстарын жүргізуге;

- саналы білімге және ғылыми ізденіс дағдыларына ие болу үшін талаптануға, өзінің ғылыми деңгейін көтеруге;

- оқушылардың ғылыми қоғамының мәжілістеріне жүйелі түрде қатысуға;

- мәжілістерде баяндамалар мен хабарламалар жасап тұруға,

- оқушылардың ғылыми қоғамы басшылық ұйымдарының тапсырмаларын жауапты орындауға;

- қоғам жұмыс істейтін ғылыми мекеменің лаборатория, құрал-жабдықтарына ұқыпты карауға;

- бір немесе бірнеше шығармашылық топтарда белсенді жұмыс істеуге, конференция, жорықтарға қатысуға, таңдап алған ғылыми саласы бойынша білімін өздігінен тереңдетуге, оқушылар мен халық арасында білімді насихаттауға қатысуға;

- өз жұмысы жөнінде шығармашылық топта, сессияда, конференцияда есеп беруге міндетті.